

1. Deilnaame kènjer-optoch en intoch:

- De kènjer-optoch is veur de kènjer, die sjpontaan kènne deilnumme aan hunne optoch zonger dat zie zich dao veur houpe op te gaeve: deilnaame van volwassene is allein bedoeld es begeleiding van de kènjer. Meziekgezèlsjappe deine zich waal op te gaeve bie de optochsaamesjtèller.
- D'n intoch van de Marotteprins zal òmlies waere door de Marotte, de Prinsegarde en de Auw Prinse: zie zulle aansjoete aan 't ènj van de kènjer-optoch op aanwiesing van Optoch Kommittee en Klup Wo Van.
- 't Is neit toegesjtange dat zoowaal bie d'n intoch es in d'n optoch anger prinse deilnumme: jeugprinse zeen in prinsip waal wilkòm, es zie voldoon aan de veurwaarde van laeftied, dae neit hooger maag zeen dan de kènjer van de baasissjool.
- Oetsjmiete van sjlök, appelsiene en anger zaakes is zowaal in de kènjer-optoch es bie d'n intoch verbao: ouch ein konfettiekenon is neit toegesjtange.

2. Waages in de Kènjer-optoch en intoch:

- Gemoterizeerde vastelaoveswaages, traktesj, golfkarre, mootesj en alle angere zichzelf veurtbewaegende waages zeen in prinsip neit toegesjtange: oetzunjeringe hiejop allein muigelik mit toesjtòmming veuraaf van Optoch Kommittee Zitterd. Daobie deint opgemirk te waere dat in geval van toesjtòmming van het OKZ, wettelik geljige pepiere verplich zeen! In alle gevallen deint geer kòntak op te numme mit den heer Roger Vroomen (06- 22504085).
- Luukswaages zeen allein toegesjtange es dees ter òngersjteuning zeen van groote gròppe en ouch allein veurzeen van te euverlègGE wettelik geljige pepiere en mit toesjtòmming veuraaf van Optoch Kommittee Zitterd. Ouch hie veur gildj: gaer kòntak opnumme mit den heer Roger Vroomen.
- Attribuute wie getrokke waageskes, gedraage braer en dat saort zaakes, maage neit breijer zeen dan 2 maeter.

3. Opsjtèlling van d'n optoch:

- De opsjtèlling veur de kènjer is in de graasj aan de Wieër; ingank Parklaan.
- **Alle kènjer - groote gròppe, klein gròppe en einzelgèngesj - deine zich te melje bie e lid van Klup Wo Van en kriege dao wiejer instruksies.**
- De opsjtèlling van de meziekgezèlsjappe is op 't baovedèk van de graasj, zie kriege oppen tied eie plattegròndj woo hun opsjtèllingsplaatsj op sjteit vermeldj: ingank ouch via de Parklaan.
- De graasj is ao pe vanaaf 12.33 oer en jeederein wurd verzuik uuterlik òm 13.11 op zien plaatsj te zeen.
- Gaot nao eur opsjtèllingsplaatsj (ingang Parklaan) via de Engelekamp/Wilhelminasjtraot of via de Brandjsjtraot/Veursjtad en Haspelsesjtraot: **neit** via de Walsjtraot, Helstraot, Meulebaek-sjtraot en de Wieër.

4. Reklaam in d'n optoch:

- Reklame make is allein muigelik véur d'n optoch taeg eie verguijing en me mòt zich dao veur veuraaf opgave bie Optoch Kommittee Zitterd. In dat geval gaer kòntak opnumme mit d'n heer René Meuwissen 046- 4111674.
- Reklame make in de kènjer-optoch zelf - en ouch bie d'n intoch - is verbao.

5. Vertrèk van d'n optoch:

- D'n optoch zal pròmpe òm 13.33 oer vetrèkke: zowaal de kènjer es de meziekgezèlsjappe zulle in d'n optoch waere ingevoug door de reegelaesj van Klup Wo-Van en Optoch Kommittee Zitterd: dit gildj ouch veur de gròppe bie d'n intoch.
- Wirk mit òm dit alles goud te laote verlaope en hauwd uch aan hun aanwiesing.
- Jeeder deilnummend kèndj òntvingk eie kènjer-medaaje die door de leede van Klup Wo-Van zal waere oetgedeild.

Optoch Kommittee Zitterd wunsj uch alleney vööl sjpas en lol in de Kènjer-optoch !

Mit vrunjtelikke kòmplemente,
Roy Moerskofski, optochsaamesjtèller
Optoch Kommittee Zitterd

** Deilname aan de Kènjer-optoch beteikent dat geer uch es deilnummer ònveurwaerdelik kònformeiert aan 't Reeglemènt Kènjer-optoch. Optoch Kommittee Zitterd behilt zich 't rech veur òm eederein dae zich neit hiltj aan eie of meerdere veursjrijfte zoo wie baovesjtaond bepaald en vasgelag, deilname aan de optoch te òntzègGE!*